


[www.BibleForChildren.org](http://www.BibleForChildren.org)




Mwanduso 6




Zino ni mbuli za ugima wa Nuhu  
yoyakalile yotenda yanogile  
haulongozi wa Mulungu,  
mkamilifu muna uwelesi wake.  
Nuhu kakala kwa kumnogeza  
Mulungu. Mulungu kawona isi

yose imema wihi,  
kwaviya  
wanhu  
watenda ihe.



Mulungu kamulongela Nuhu, “Nilamula kuwadanganiza wanhu wose kwaviya waimemeza iisi tibwilitibwili. Kweli nizawadanganiza ng'hani hamwe na isi.”




“Zenga safina kwa mabanzi ya mibiki midala.  
Gola viheleto na uhake tulasi kunze na  
mgati.”



Vino niivo vondauizenge,  
utali wake iwe makono  
magana matatu na  
ugalamu wake  
makono  
malongo


matano na  
chimo chake  
makono malongo  
matatu.




“Usole chila modeli ya  
ndiya wiike goya kwa  
ichimu chenu na kwa  
ichimu chawo.”




Wagale mwiisafina chila modeli ya viumbe vili na ugima vidi, va chilume na va chike, na uvilolese vikale.




Iviya muna iwanyama wodigwa usole malume saba  
na mazike saba, mbali wanyama hawadigwa  
sola lume dimwe na zike dimwe.






Nuhu na muke wake  
na wanage wa chilume na  
wake zawo, wengila muna  
isafina muladi kugomboka na  
digombo.



A simple line drawing of a building with a window. The building is composed of several parallel lines representing the roof and walls. A rectangular window with horizontal lines is positioned on the side of the building. The drawing is minimalist and uses only black outlines on a white background.

Nuhu viyawile na miyaka  
magana sita, muna isiku ya longo  
na saba mwezi wekaidi, siku iyo nzasa  
zose hasi ng'hani ya isi zilava mazi ng'hani  
na mazonzo ya kuulanga yavuguka.





Mvula itonya mwiisi siku  
malongo mane, imisi na ichilo.




Mazi yawa na china chitali na safina iyengeluka muna yamazi.




Mazi yakala mengi ng'hani muna iisi, yaigubika milima mitali chila hanhu. Chila chilumbe chikala muna iisi inyalile chidanganika.



Mbali Mulungu kamkumbuka Nuhu na  
wanyama wose wa kumbago na  
wanyama wose wofugigwa wowakalile  
hamwe nayo muna isafina. Ivo  
Mulungu kahembelula beho muna  
iisi na mazi yandusa  
kuhunguka.





Vizimalile siku malongo  
mane, Nuhu kavugula  
zonzo da isafina  
yoyaitendile, na kamtuma  
howe kunze, na kaguluka kuno  
na kuja, mbaka mazi viyanyalile  
mwiisi. Maabaho Nuhu  
kamtuma nziwa


yawone one mazi  
yahunguka muna iisi.




Siku ya malongo mairi na saba ya mwezi wekairi, isi ikala inyala ng'hani. Maabaho Mulungu kamulongela Nuhu, "Lawa mwiisafina weye na muke wako na wanago na wake zawo."



Nuhu kamzengela Mndewa Mulungu lupango, kalava  
nhambiko wanyama  
wamwenga wodigwa  
na ndege wodigwa,  
kamtimbulila Mulungu  
mchanyha ya ulupango.






Mulungu kalonga,  
“Chino niicho  
chilaguso cha  
lagano dinikwika  
hagati ya niye na mweye  
na chila chilumbe chili na  
ugima chikala hamwe na

mweye kwa welesi  
wose mbaka welesi  
ukwiza, nokwika pinde da  
Mulungu kuna yamawingu.  
Chizakuwa chilaguso cha  
lagano jangu na isi yose.”





“Chila  
nahayatanda  
mawingu muna  
uulanga na pinde da  
Mulungu dizalawilila muna  
yamawingu, Nizadikumbuka  
lagano jangu na mweye na


vilumbe vose vili na  
ugima. Mazi  
hayezagaluka kaidi kuwa  
gombo kuvinanga vilumbe  
vose vili na ugima.”



Mulungu kamtemela  
mate Nuhu na wanage na  
kawalongela, “Yelegen na  
mongezeke na muimemeze  
isi yose.”



Wanage Nuhu  
wowalawile muna isafina wakala  
Shemu na Hamu na Yafesi. Hamu  
kakala niiyo tata wa Kanani.  
Kufosela wanhu wawo watatu  
wa Nuhu, wanhu wenela  
muiisi yose.



Kwaviya Mulungu kawalonda wanhu wa  
isi yose mbaka kamulava Mwanage  
nyachende, muladi chila munhu  
yoyomtogola sekeyadanganike,  
mbali yawe na ugima  
wa siku zose.



Waloma 3:23

kwaviya wanhu wose watenda uhasanyi na  
kuhungukiligwa na utunhizo wa Mulungu.

Waloma 6:23

Yombe da uhasanyi ni ifa, mbali chitumetume cha  
Mulungu ni ugima wa siku zose muna ukuilumba na  
Chilisito Yesu, Mndewa wetu.

Waebulaniya 9:27

Chila munhu kolondeka yadanganike teng'hu,  
na maabaho yatagusigwe na Mulungu.



Waefeso 2:8,9

Kwaviya kwa unovu wa Mulungu mukomboligwa kwa nzila ya uhuwilo. Mbuli ino hailawa kumwenu mweye wenyewo, mbali chitumetume cha Mulungu. Wala hailawa kwa sang'hano zenu wenyewo, ivo munhu yoyose sekeyaigode.

Waloma 10:9,10

One uhatogola kwa mulomo wako Yesu ni Mndewa na uhahuwila muna umoyo wako kuwa Mulungu kanzilibula kuwadanganike, kwizakomboligwa. Kwaviya kwa moyo munhu kohuwila na kopetigwa kanoga haulongozi wa Mulungu, na kwa mulomo kotogola na kukomboligwa.



## Yohana 3:16,17

Kwaviya Mulungu kawalonda wanhu wa isi yose mbaka kamulava Mwanage nyachende, muladi chila munhu yoyomtogola sekeyadanganike, mbali yawe na ugima wa siku zose. Mulungu hamtumile Mwanage mwiisi yawataguse wanhu muna isi, mbali kamtuma yawakombole.

## 1 Yohana 5:11-13

Na ukalangama wenyewo uwo uno, Mulungu kaching'ha ugima wa siku zose, na ugima uwo wopatika kwa nzila ya Mwanage. Munhu yoyose yeli na Mwana wa Mulungu kana ugima uwo, munhu yoyose yelibule Mwana wa Mulungu kabule ugima uwo. Nomwandikilani mbuli zino mweye womudihuwila zina da Mwana wa Mulungu muladi muvimanye kuwa muna ugima wa siku zose.



Mwanduso 6 – 10

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: M. Maillot; Tammy S.

Kwere Bible (cwe) © 2014 Pioneer Bible Translators and  
The Word for the World

OT © 2019 Pioneer Bible Translators

<https://www.bible.com/bible/1125/GEN.1.CHING'HWELE>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

